

Tuzla, 17.08.2023.
Protokol br: KP-I-368/23
Br. Javnog poziva: 9 – FP – 2/2023

Fond za razvoj poduzetništva Poziv start-up poduzetnicima

Fondacija tuzlanske zajednice (FTZ) poziva zainteresovane građane sa područja Tuzlanskog kantona, koji planiraju pokrenuti ili unaprijediti vlastiti biznis te koji žele unaprijediti svoje poduzetničke vještine i kompetencije; da se prijave na Javni poziv za podršku start-up poduzetnicima.

Fondacija tuzlanske zajednice (FTZ) u okviru projekta „Snaga lokalnog“ koji implementira uz partnersku saradnju sa USAIDom realizuje i aktivnosti usmjerene na poboljšanje poduzetničkih kompetencija građana/ki s ciljem povećanja zapošljivosti i samozapošljivosti građana/ki kroz podršku pokretanju i razvoju malih start-up preduzeća.

Podrška se realizuje kroz projekat “Naša zajednica je naša odgovornost” koji ima za cilj da osnaži građane/ke i podstiče ih na samozapošljavanje, promicanje poduzetničkog duha u njihovim zajednicama i hvatanje u koštac sa problemom nezaposlenosti kako ne bi napustili zemlju.

Ukupna finansijska vrijednost izdvojena za podršku poduzetnicima u ovom pozivu iznosi 45.000,00 KM ili 9 poduzetničkih inicijativa od po 5.000 KM bez PDVa.

FTZ će organizirati i obuku o poduzetništvu za 20 građana Tuzlanskog kantona koja je posebno važna za razvoj i izradu biznis planova, te uspostavljanje kontakata sa budućim klijentima, tržištem i poslovnim sektorom.

Cilj programa:

Doprinijeti stvaranju uslova za zapošljavanje i samozapošljavanje nezaposlenih građana/ki kroz jačanje poduzetničkih kompetencija kako bi ih osposobili za pokretanje malih biznisa.

Prijavom na poziv, zainteresovani kandidati/kinje stiču pravo na:

- **dvomjesečnu obuku iz oblasti poduzetništva**, u trajanju od 64 sata, koja će se održavati kroz 8 cjelodnevnih predavanja u periodu oktobar-novembar 2023. godine, a o čemu će odabrani kandidati biti blagovremeno obavješteni.
- **mentorsku podršku**; FTZ će u suradnji sa poslovnim sektorom, osigurati i stručnu mentorsku podršku svim polaznicama obuke, a kandidati i kandidatkinje koje dobiju finansijsku podršku će imati na raspolaganju i mentorsku podršku u prvim mjesecima razvoja svog biznisa.
- **finansijsku podršku za pokretanje svog poduzetničkog poduhvata, do 5.000,00 KM (bez PDV-a) ili unaprijeđenje postojeće poslovne aktivnosti (ne starije od 18 mjeseci u momentu zatvaranja Javnog poziva) .**



Ko se može prijaviti:

EDUKACIJA:

- Punoljetni građani/ke, sa područja svih gradova/općina Tuzlanskog kantona;
- Punoljetni građani/ke koji nemaju formalno registriran biznis i koji planiraju pokrenuti vlastiti biznis i koji žele unaprijediti svoje poduzetničke vještine i kompetencije.
- Punoljetni građani/ke, građani Tuzlanskog kantona, koji imaju formalno registriran biznis, ne stariji od 18 mjeseci (u momentu zatvaranja javnog poziva), i koji žele unaprijediti svoje poslovanje s ciljem povećanja broja zaposlenih kroz postojeći biznis.

Napomena:

- Prednost u pozivu imaju nezaposlena lica sa evidencije Zavoda za zapošljavanje TK, kao i mladi građani/ke dobi do 30 godina.
- Broj polaznika/ica edukacije je ograničen na maksimalno 20 osoba.

Očekivani rezultati

Učesnici/e će unaprijediti svoja znanja i vještine o fazama poslovnog planiranja, marketingu i ostalim poduzetničkim oblastima. Svih 20 polaznika/ica će biti osposobljeno da kreira poslovni plan i da isti kandiduje za finansijsku podršku kako bi pokrenuli vlastiti mali biznis. Kandidati/kinje koji dobiju finansijsku podršku dobit će i mentorsku podršku u prvim mjesecima pokretanja biznisa.

Struktura obuke

Predviđeno je da se obuka sastoji od 4 modula, a svaki modul bi se sastojao od 2 cjelodnevna predavanja sa po 8 školskih časova od 45 minuta. Ukupan predviđeni broj časova je 64. U okviru obuke zainteresovani kandidati će izraditi poslovni plan koji je osnov za dalju finansijsku i mentorsku podršku.

Moduli planirani obukom

1. Poduzetništvo i poslovna ideja
2. Proizvod i istraživanje tržišta
3. Poslovno planiranje, marketing, operativni i plan upravljanja
4. Operativni, finansijski i biznis plan

FINANSIJSKA PODRŠKA:

Pravo podnošenja zahtjeva za finansijsku podršku imaju učesnici/e edukacije koji su prisustvovali/e na minimum 75% edukativnih radionica i koji/e žele pokrenuti registrovanu poslovnu aktivnost.

Detaljne kriterije za finansijsku podršku možete pogledati na web stranici Fondacije (<http://www.fondacijatz.org/fond-za-poduzetnistvo>).

Mentorska podrška:

Učesnici/e edukacije će imati priliku svoju ideju razvijati direktno na edukativnim radionicama pri čemu će pored savjetodavne podrške predavača imati i podršku stručnog mentora/ice.

Učesnici/ce edukacije, u procesu razvijanja svog biznis plana, imaju pravo na:

- 1 zajedničko savjetovanje sa mentorom (sastanak 2 h)



- 2 individualna savjetovanja sa mentorom (sastanak 1h)
- 3 uvida u biznis plan (sugestije putem e-maila)
- po potrebi savjetovanja putem telefona ili uvid u biznis plan (sugestije putem e-maila)

Termine savjetovanja aplikanti će dogovoriti direktno sa odabranim mentorima. Oni kandidati koji dobiju finansijsku podršku, dobit će i mentorsku podršku u oblasti marketinga, finansija, plasmana proizvoda i sl. u prvim mjesecim pokretanja preduzeća.

ŠTA NE PODRŽAVAMO?

Biznis ideja ne može biti podržana ako se radi o sljedećim slučajevima:

- ukoliko se želi registrovati biznis van Tuzlanskog kantona,
- ukoliko se potražuju sredstva za registraciju biznisa,
- ukoliko se potražuju sredstava za troškove koji nisu prihvatljivi (više o istim u Kriterijima javnog poziva).
- ukoliko je registrovan biznis stariji od 18 mjeseci u momentu zatvaranja Javnog poziva,

NAPOMENA: Sredstva iz ovog Javnog poziva ne uključuju troškove poreza na dodanu vrijednost, PDV. Svi subjekti uspostavljeni po osnovu ovog projekta kao što su registrovana pravna lica (primjer doo - Društva sa ograničenom odgovornošću) ili fizička lica na primjer obrti (Djelatnosti srodne obrtničkoj, Ugostiteljske radnje i slično), koja dobiju ova sredstva mogu ostvariti pravo na povrat PDV-a za sve troškove koji budu finansirani dodjeljenim grantom. Shodno prethodno navedenom, aplikanti su obavezni prilikom popunjavanja budžeta projekta ili biznis plana da unose isključivo cijene i vrijednosti robe bez PDV-a u kolonu tražena donacija od FTZ, dok vlastito učešće i druge troškove iskazuju sa PDV-om.

Dodijela grantova

Nakon edukacije, stručna komisija će izvršiti procjenu dostavljenih biznis planova, te na osnovu kvalitete ideje i poslovnog plana, kao i spremnosti i odgovornosti kandidata odabrati najboljih 9 biznis ideja te im dodijeliti grantove do maksimalno 5.000 KM (bez PDV-a). Komisija će procjenjivati sljedeće kriterije: sposobnost aplikanta da iznese poslovnu ideju, kvalitet biznis plana, inovativnost biznis ideje, utrživost proizvoda/usluge, održivost biznisa i mogućnost zapošljavanja dodatnih osoba.

Vremenski okvir

Edukacija će biti organizovana od oktobra do novembra 2023. godine. Odabrani kandidati/kinje bit će blagovremeno obavješteni o tačnom rasporedu edukacija. Rok za prijem finaliziranih poslovnih planova će biti definisan u skladu sa dinamikom realizacije edukacije, a najkasnije mjesec dana od završetka edukacije. Dodjela sredstava za najbolje poslovne planove i potpisivanje ugovora sa dobitnicima će se realizirati najkasnije do kraja januara 2024.godine.

Prijave i kontakt

Zainteresovani kandidati obavezni su dostaviti popunjen prijavni obrazac na e-mail adresu inicijative@fondacijatz.org najkasnije do 30.09.2023. godine.



Obzirom da je broj mjesta ograničen Fondacija tuzlanske zajednice zadržava pravo izbora zainteresovanih kandidata na osnovu dostavljenih informacija iz prijave. Svi aplikanti će biti obavješteni o ishodu procesa selekcije učesnika projekta najkasnije do 05.10.2023. Sva dodatna pitanja možete postaviti na gore pomenuti mail ili na broj 035/362-830 te mobitel 061/206-935 (kontakt osoba je Tatjana Sekulić).



Azra Isanović

Azra Isanović
koordinatorica programa finansijske podrške
Fondacija tuzlanske zajednice